



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ბუნებრივი აირები

ბუნებრივი აირები, დედამიწის ქერქში თავისუფალი სახით არსებული წყალში და ნავთობში გახსნილი ან ქანების (განსაკუთრებით წიაღისეული ნახშირის) მიერ შთანთქმული აირები, რ-თა წარმოშობა დაკავშირებულია დედამიწის ქერქში ან მანტიაში მიმდინარე პროცესებთან.

ბ. ა-ის გამოვლინება საქართვე. ტერიტორიაზე საკმაოდ მრავალრიცხოვანია. ისინი ძირითადად გვხვდება მიწისქვეშა (განსაკუთრებით მინერ.) წყლებში, ნაწილობრივ ნავთობის თანხმლები აირების ან საწვავი აირების დამოუკიდებელი დანაგროვების სახით. მიწისქვეშა წყლებში გამოიყოფა ბ. ა-ის გავრცელების სამი ზონა (გარკვეულად ისინი გეოტექტონ. ზონალურობას ემთხვევა): ჩრდილო (ძირითადი აირია ნახშირორჟანგი), ცენტრალური (ძირითადი აირია მეთანი და აზოტი) და სამხრეთი (ძირითადი აირია ნახშირორჟანგი და აზოტი).

გ. ბუაჩიძე
